

“মিষ্টি বাচ্চারা - বাবা এসেছেন তোমাদের এমন শ্রেষ্ঠ কর্ম শেখাতে , যার দ্বারা তোমরা 21 জন্মের জন্য স্বর্গের বাদশাহীর বর্সা বা সম্পত্তি নিতে পারো এবং অটল অখণ্ড রাজ্যের মালিক হতে পারো ।”

প্রশ্ন :- গৃহস্থীদের আর সন্ন্যাসীদের কোন বিশ্বাসের মধ্যে অনেক অন্তর বা তফাত থাকে ?

উত্তর :- গৃহস্থীদের বিশ্বাস হল ভগবান অবশ্যই কোনো না কোনো রূপে তাদের সামনে আসবে আর সন্ন্যাসীদের বিশ্বাস হল, তাঁরা ব্রহ্মকে স্মরণ করতে করতে সেই ব্রহ্মতেই লীন হয়ে যাবে । এখন বাবা বোঝাচ্ছেন যে ব্রহ্মতে কেউই লীন হয় না । আত্মা তো অমর তাহলে আত্মা কেমন করে লীন হবে । ভগবান যখন আসবেন তিনি অবশ্যই শিক্ষক হয়েই শিক্ষা দেবেন । প্রেরণার দ্বারা তিনি কোনো জ্ঞানই দেবেন না ।

গীত :- তুম্হে পা কে হমনে সারা জাঁহা পা লিয়া ... (তোমায় পেয়ে আমরা .....)

ওম্ শান্তি । মিষ্টি মিষ্টি রুহানী বাচ্চারা এই গান শুনেছে । রুহানী বাচ্চারাই "বাবা " বলে ডাকে । বাচ্চারা জানে এই বেহদের বাবা হলেন বেহদের সুখদাতা, অর্থাৎ তিনি হলেন সকলের বাবা, তাঁকে সকল বেহদের বাচ্চারা অর্থাৎ আত্মারা স্মরণ করতে থাকে । সকলেই কোনো না কোনো প্রকারে বাবাকে স্মরণ করে কিন্তু তারা জানেই না যে তাদের পরমপিতা পরমাত্মার থেকে বাদশাহী নিতে হবে । কিন্তু তোমরা জানো যে তোমাদের যে বাবা সত্যযুগী বিশ্বের বাদশাহী দেন তা হল অটল, অখণ্ড এবং অডল(Unshakeable, undivided, undivided) । তোমাদের এই বাদশাহী ২১ জন্মের জন্য সম্পূর্ণ থাকবে । সমগ্র বিশ্বের উপরে তোমাদের রাজত্ব হবে যা কেউই ছিনিয়ে নিতে পারবে না, লুণ্ঠও করতে পারবে না । তোমাদের রাজত্ব হবে অবিচল , কেননা সেখানে একই ধর্ম থাকবে, দ্বৈত কিছুই থাকবে না । সে হল অদ্বৈত রাজ্য । বাচ্চারা, তোমরা যখন এই গান শোনো তখন এই রাজত্বের নেশা তোমাদের বুদ্ধিতে আসা দরকার । এমন ধরনের গান তোমাদের ঘরে রাখা দরকার যা শুনে বাবা এবং বর্সা ( সম্পত্তি ) যেন চট করে স্মৃতিতে এসে যায় । প্রত্যেকটি গানেই বাবার স্মরণের আনন্দ থাকা চাই । তোমাদের সমস্ত কিছুই হল গুপ্ত । বড় বড় মানুষদের তো খুবই অহংকার থাকে কিন্তু তোমাদের কোনোই অহংকার নেই । তোমরা এও দেখতে পাও যে যাঁর মধ্যে বাবা প্রবেশ করেছিলেন তাঁর মধ্যেও কোনো লোক দেখানো অহংকার ছিল না । জামাকাপড়ও একই রকম ছিল । তোমরা বুদ্ধির দ্বারাই বুঝতে পেরেছো যে বাবা ঐনার মধ্যে প্রবেশ করেছেন - আমাদের রাজ্যভাগ্যের অধিকার দিতে । বাচ্চারা এটাও জানে যে সারা সৃষ্টিতে এইসময় যত মানুষ আছে তারা সবাই দেহ - অভিমানে এসে সমস্ত ভুল কাজ করছে , এই কারণে তাদের অবস্থা বলা হয় । সকলের বুদ্ধিতেই তালা লেগে আছে । তোমরা কত বুঝদার ছিলে , এই বিশ্বের মালিক ছিলে । এখন মায়া তোমাদের কত অবস্থা বানিয়ে দিয়েছে যার ফলে তোমরা কোনো সঠিক কাজের উপযুক্তই নয় । মানুষ বাবার কাছে যাওয়ার জন্য অনেক যন্ত্র - তপস্যা করে কিন্তু কিছুই প্রাপ্তি করতে পারে না । শুধুই বারে বারে ধাক্কা খেতে থাকে । পরমাত্মাকে কেউই জানে না, তাঁকে সবাই সর্বব্যাপী বলে দেয় , এটা কতখানি ভুল কথা । "পিতা" এই শব্দটা বুদ্ধিতেই আসে না । যদিও বা কেউ বলে , সে শুধু

মুখের কথা । যদি পরমপিতা বলে কেউ বুঝতে পারে তাহলে বুদ্ধিতে চমক লেগে যাবে । শিববাবা আমাদের স্বর্গের বর্ষা বা সম্পত্তি দেন, তিনিই হলেন স্বর্গীয় গড ফাদার তাহলে আমরা কলিযুগী নরকের দুনিয়াতে কেন পড়ে আছি । এখন আমরা মুক্তি আর জীবনমুক্তি কেমন করে পেতে পারি তা কারোরই বুদ্ধিতে আসে না । এখন তোমাদের সেই বুদ্ধি হয়েছে । তোমরা জানো যে বাবা তোমাদের এই স্মৃতি ফিরিয়ে দিয়েছেন যে , যখন নতুন দুনিয়া নতুন ভারত ছিল, তখন তোমাদেরই রাজত্ব ছিল। সেখানে একই মত , একই ভাষা এবং একজনই মহারাজা - মহারানী ছিলেন । সত্যযুগে মহারাজা- মহারানী বলা হয় আর ত্রেতাযুগে তাকেই রাজা - রানী বলা হয় । তারপর দ্বাপর থেকে বামমার্গ শুরু হয়। প্রত্যেক মানুষের ভাগ্যই তার কর্মের উপর নির্ভর করে । কর্ম অনুসারে মানুষ এক শরীর ছেড়ে অন্য শরীর গ্রহণ করে । এখন বাবা বলেন যে আমি তোমাদের এমন কর্ম শেখাই যার দ্বারা তোমরা ২১ জন্মের জন্য বাদশাহী প্রাপ্ত করতে পার । যদিও ওখানে তোমরা লৌকিক বাবাকে পাও কিন্তু ওখানে তোমাদের এই জ্ঞান থাকে না যে এই রাজত্বের বর্ষা তোমরা বেহদের শিববাবার থেকে প্রাপ্ত করেছো । তারপর দ্বাপরযুগ থেকে যখন রাবণ রাজ্য শুরু হয় তখন বিকারী সম্বন্ধ শুরু হয়ে যায় । তখন মানুষ যেমন যেমন কর্ম করে তেমন ফল প্রাপ্ত করে, দেবতারাও তখন বামমার্গে চলে যায় । তখন সত্যযুগের সবই শেষ হয়ে যায় । তখন মানুষ কর্ম অনুসারেই জন্মগ্রহণ করে । ভারতে যেমন পূজ্য রাজারা ছিলেন তেমনই পূজারী রাজারাও ছিলেন । সত্যযুগে রাজা, রানী এবং প্রজা সকলেই পূজ্য হয় । তারপর যখন দ্বাপর থেকে ভক্তি শুরু হয় তখন রাজা, রানী এবং প্রজা সকলেই পূজারী হয়ে যায় । বড় রাজারা যারা সূর্যবংশী ছিল তারাই পূজারী হয়ে যায় তারপর তারাই বৈশ্যবংশী হয়ে যায় । এখন তোমরা পাপ রহিত (নিষ্পাপ) হচ্ছ । এর প্রালব্ধ তোমাদের ২১ জন্ম ধরে চলতে থাকে তারপর ভক্তিমার্গ শুরু হয় । যাঁরা যাঁরা পূজ্য দেবী দেবতার জন্ম নিয়েছিলো, তাঁদের মন্দির বানিয়েই পূজো করা শুরু হয় । এসকলই কেবলমাত্র ভারতেই হয় । এই যে ৮৪ জন্মের কাহিনী বাবা তোমাদের শোনাচ্ছেন এসকলই ভারতবাসীদের জন্য । অন্য ধর্মের লোকেরা পরে আসে তারপর ধীরে ধীরে বাড়তে বাড়তে অনেক বৃদ্ধিপ্রাপ্ত হয় । বিভিন্ন দেবী দেবতাদের বিভিন্ন আচার-অনুষ্ঠান ছিল, যা ভারতের গুরুজনের জন্য থাকে না । অর্ধেক কল্পের পর রাবণ রাজ্য শুরু হলে সমস্ত নিয়ম কানুন , অনুষ্ঠানের পরিবর্তন হয় তখন সকল দেবতারা পূজ্য থেকে পূজারী হয়ে যায় । পূজাও প্রথমে অব্যভিচারী এক শিবেরই করত । শিবের মন্দিরই প্রথমে বানানো হয়েছিল তারপর লক্ষ্মী - নারায়ণের মন্দির বানানো হয় । একজন লক্ষ্মী - নারায়ণের মন্দির বানাতে তাকে দেখে অন্যজনও সেই মন্দির বানাতে । তার পরবর্তীকালে রাম সীতার মন্দির বানানো শুরু হবে । তারপর কলিযুগে দেখা গণেশ, হনুমান, চণ্ডীকা দেবী ইত্যাদি অনেক দেব দেবীর চিত্রও মানুষ বানাতে থাকবে । ভক্তিমার্গের জন্য এই সমস্ত সামগ্রী তো চাই । যেমন কোনো গাছের বীজ কত ছোটো হয় কিন্তু সেই গাছের ঝাড় কতো বড় হয়, ঠিক তেমনই ভক্তিতে এই বিস্তার হয়ে যায় । অনেক, অনেক শাস্ত্রও বানানো হয় । এখন বাবা বাচ্চাদের বলেন যে .....এই ভক্তিমার্গের সামগ্রী সব শেষ হয়ে যাবে । এখন তোমরা শুধু শিববাবাকে স্মরণ করো । ভক্তির প্রভাবও অনেক বেশী । সেসবও খুব সুন্দর । নাচ - তামাশা, গায়ন - কীর্তনে মানুষ কত খরচ করে । এখন বাবা বলেন, বাবাকে আর তাঁর বর্ষাকে কেবল স্মরণ করো । আদি সনাতন দেবী দেবতা ধর্মকেও স্মরণ করো । তোমরা জন্ম জন্মান্তর ধরে অনেক প্রকারের ভক্তি করে এসেছো । যারা গৃহস্থ ধর্মে থাকে তারাই প্রথমে ভক্তি শুরু করে । সন্ন্যাসীরা তো ভক্তি করতে হয় না । যজ্ঞ - তপ, দান - পুণ্য , তীর্থ ইত্যাদি সবই গৃহস্থদের কাজ , সন্ন্যাসীদের নয় । সন্ন্যাসীরা হলেন নিবৃত্তিমার্গের । তাঁদের নিয়ম হল ....ঘরবাড়ি ছেড়ে জঙ্গলে গিয়ে থাকা আর ব্রহ্ম তত্ত্বকে স্মরণ করা । তাঁরা হলেন তত্ত্বজ্ঞানী , ব্রহ্ম জ্ঞানী । তাঁরা তত্ত্ব বা

ব্রহ্মকেই ঈশ্বর বলে দেয়। যেমন ভারতবাসী আসলে হল আদি সনাতন দেবী দেবতা ধর্মের। কিন্তু যেহেতু তারা হিন্দুস্থানে থাকে তাই তাদের ধর্মকে তারা হিন্দু ধর্ম মনে করে। তেমনই সন্ন্যাসীরা আত্মাদের থাকার তত্ত্বকেই পরমাত্মা মনে করে নেয়। তারা ব্রহ্ম বা তত্ত্বকেই স্মরণ করে। বাস্তবে সন্ন্যাসীরা যখন সতোপ্রধান অবস্থায় থাকে, তখন তারা জঙ্গলে গিয়ে শান্তিতে থাকে। এমন নয় যে তারা সকলেই ব্রহ্মতে লীন হয়ে যাবে। বাবা বলেন যে-- এই জ্ঞান হল তাদের মিথ্যা জ্ঞান। কেউই লীন হতে পারে না। আত্মা তো অবিনাশী, তাহলে সেই আত্মা কি করে লীন হবে। ভক্তিমার্গে মানুষ দেবতাদের সামনে কতো মাথা খুঁটতে থাকে। আবার তারা বলে ভগবান কোনো না কোনো রূপে কোনো না কোনো সময় এসে দেখা দেবে। এখন কে ঠিক? সন্ন্যাসীরা বলেন ব্রহ্মের সঙ্গে যোগ লাগিয়ে ব্রহ্মতেই লীন হয়ে যাবে। আবার গৃহস্থরা বলে ভগবান কোনো না কোনো রূপে এসে দেখা দেবে। পতিত মানুষদের তিনিই পবিত্র করবেন। এমন কিন্তু নয় যে ওপরে থেকে প্রেরণা দিয়েই তিনি সবকিছু শেখাবেন। কোনো শিক্ষক কি শুধুই ঘরে বসে প্রেরণা দেবেন। প্রেরণা বলে কোনো কথাই হতে পারে না। প্রেরণার দ্বারা কোনো কাজই হয় না। যদিও শংকরের প্রেরণার দ্বারা ই বিনাশ এই কথা বলা হয় তবুও এই সমস্ত কিছুই নাটকে লিপিবদ্ধ আছে। এই মুসল বা মিসাইল জাতীয় অস্ত্র তাদের বানাতেই হবে। প্রেরণার কোনো কথাই হয় না। আবার মানুষ বলে ভগবানের প্রেরণার দ্বারা ই সবকিছু হয় বা এও বলে হয় যে শংকরের চোখ খুলতেই প্রলয় শুরু হয়ে গিয়েছিল। এ সমস্তকিছুই হলো কাহিনী, এর অর্থ কেউই কিছু বুঝতে পারে না। যে কোনো মন্দিরে গেলেই এই মন্ত্র পাঠ করা হয় ...অচ্যুতম কেশবম .....কিন্তু অর্থ কেউই কিছু বুঝতে পারে না। কেউই নিজেদের থেকে বড় কারোর মহিমা বুঝতেই পারে না। ধর্মস্থাপকদের গুরু বলে দেয়। বাস্তবে তাঁদের গুরু বলা সম্পূর্ণ ভুল। ক্রাইস্ট কখনো গুরু নন। উনি তো কেবল ধর্ম স্থাপন করেন। যিনি সঙ্গতি করেন তাঁকেই গুরু বলা হয়। তিনি তো কেবল ধর্ম স্থাপন করতে আসেন। তাঁর পিছনে তাঁর বংশাবলী আসতে থাকে। এরা তো কারোর সঙ্গতি করে না। তাহলে তাঁদের গুরু কি করে বলা হবে। গুরু হলেন একজনই যাঁকে সবার সঙ্গতিদাতা বলা হয়। ভগবান শিববাবা এসেই সবার সঙ্গতি করেন। তিনিই মুক্তি এবং জীবনমুক্তি দেন। তাঁর স্মরণ বিনা কেউই থাকতে পারে না। মানুষ হে ভগবান, হে ঈশ্বর বলে বাবাকেই স্মরণ করে কারণ তিনি হলেন সবার সঙ্গতিদাতা। বাবা বোঝান যে এ সমস্ত কিছুই এই সৃষ্টির রচনা। আর রচয়িতা বাবা হলাম আমি .....সবার সুখ দাতা, বর্ষা বা সম্পত্তির দাতা আমিই হলাম এক শিববাবা। ভাই কখনো ভাইকে বর্ষা বা সম্পত্তি দিতে পারে না। এই বর্ষা বা সম্পত্তি এক বাবার থেকেই পাওয়া যায়। আমিই সমস্ত বেহদের বাচ্চাদের বেহদের বর্ষা দিয়ে থাকি তাই সকলেই আমাকে স্মরণ করে বলতে থাকে ....হে পরমাত্মা ক্ষমা করো। তারা কিন্তু কিছুই বোঝে না।

বাবা বলেন যে .....আমি কিন্তু এর ( ব্রহ্মাবাবার ) ডাক শুনে আসি না। এ সমস্ত কিছুই নাটকে নির্দিষ্ট আছে। নাটকে আমার আসার পার্টও নির্দিষ্ট আছে। অনেক ধর্মের বিনাশ, এক ধর্মের স্থাপনা বা কলিযুগের বিনাশ আর সত্যযুগের স্থাপনাও করতে হয়। আমি আমার নিজের সময় মত নিজেই আসি। এই ভক্তিমার্গের সমস্ত ঘটনাও এই সৃষ্টিনাটকে লিপিবদ্ধ আছে। যখন ভক্তিমার্গের পার্ট শেষ হয় তখনই আমি আসি। আগের কল্পেও তোমাদের বাবা এই ব্রহ্মার শরীরে এসেছিলেন। এই জ্ঞান এখন তোমরা পেয়েছো। আর কখনোই এই জ্ঞান তোমরা পাবে না। এ হল জ্ঞান আর সেটা হল ভক্তি। জ্ঞানের প্রালঙ্ক হল চড়তি কলা। বলা হয় যে এক সেকেন্ডেই জীবনমুক্তি। রাজা জনকের এক সেকেন্ডে জীবনমুক্তি হয়েছিল। এ হলো একটা কথা। রাধাই আবার অনুরাধা(সে-ই আবার রাধা

হয়) হয়। জনকই আবার সীতার বাবা অনুজনক হয়। অনেক অনেক উদাহরণ দেওয়া হয়েছে এই জ্ঞানে। কিন্তু মানুষ কিছুই বোঝে না। মানুষ বলে যে জনক রাজা এক সেকেন্ডে জীবনমুক্তি পেয়েছিল। কেবল একজন জনকই জীবনমুক্তি পেয়েছিল? জীবনমুক্তি তো সবাই পায়। সারা বিশ্বই পায়। সঙ্গতি বা জীবনমুক্তি হল একই কথা। জীবনমুক্তির অর্থ হল জীবনকে রাবণ রাজ্য বা বিকারের হাত থেকে মুক্ত করা। বাবা জানেন যে, বাচ্চাদের কত দুর্গতি হয়ে গেছে, বাচ্চারা এখন সত্যি সত্যি কত দুঃখী হয়ে পড়েছে। তারা আবার সঙ্গতিতে আসবে। প্রথমে তারা মুক্তিতে যাবে তারপর আবার জীবনমুক্তিতে আসবে। শান্তিধাম থেকে তারা আবার সুখধামে আসবে। এই চক্রের রহস্য বাবাই বুঝিয়ে দিয়েছেন। বাবা বলেন যে .....এইসময় সারা সৃষ্টির ঝাড় জর্জরিত, তমোপ্রধান হয়ে গেছে, তাই কেউই নিজেদের আদি সনাতন দেবী - দেবতা ধর্মের এই কথা বুঝতে পারে না। তোমরা আদি সনাতন দেবী দেবতা ধর্মের ছিলে-- কেননা তোমরা দেবতার পবিত্র ছিলো এখন তোমরা অপবিত্র, পতিত, তাই নিজেদের কীভাবে দেবতা বলবে, তাই বলা হয় .....এই বিকারকে এখন ত্যাগ করো। অর্ধেক কল্প থেকে তোমরা এই বিকারে চলে আসছো। এখন এই এক জন্মে এই বিকারকে পরিত্যাগ করা, এতেই পরিশ্রম লাগে। কিন্তু এই পরিশ্রম ছাড়া কেমন করে তোমরা এই বিশ্বের মালিক হবে। বাবাকে স্মরণ করলেই তোমরা নিজেরাই নিজেদের রাজ তিলক দিতে পারবে অর্থাৎ রাজত্বের অধিকারী হতে পারবে। যত ভালো করে তোমরা বাবাকে স্মরণ করবে, বাবার শ্রীমতে চলবে ততই তোমরা রাজার রাজা হতে পারবে। তোমাদের পড়ানোর জন্য শিক্ষক তো এসেছেন-- পড়াতেই। এই পাঠশালা হল মানুষ থেকে দেবতা বানানোর পাঠশালা। এখানে নর থেকে নারায়ণ বানানোর কথা শোনানো হয়। এই কাহিনী হল খুবই বিখ্যাত। এই কথাকে অমর কথা, সত্য নারায়ণের কথা বা তিজরীর(তৃতীয় নেত্র লাভের কাহিনী) কথাও বলা হয়। দেখো কতো সুন্দর এই গীতটি। বাবা তোমাদের এই বিশ্বের মালিক বানান যে মালিকানা কেউই লুপ্ত করতে পারে না। সেই যুগে কোনো ভূমিকম্প ইত্যাদি হবে না। সেখানে কোনো বিপ্লব থাকবে না। তোমরা এমনই অটল, অখণ্ড, পবিত্রতা এবং সুখ - শান্তির রাজ্য পেতে চলেছ। আগের কল্পের মতোই প্রতি ৫০০০ বছর অন্তর ভারতে স্বর্গ রাজ্য প্রতিষ্ঠিত হয়। তোমরা জানো যে আমরাই সেই দেবতা ছিলাম, তারপর ৮৪ জন্ম নিতে নিতে কি হয়ে গেছি। আবার আমরা দেবতা হব। একেই বলা হয় স্বদর্শন চক্রধারী। আচ্ছা।

মিষ্টি মিষ্টি হারানিধি(সিকীলধে) বাচ্চাদের প্রতি মা - বাবা, বাপদাদার স্মরণ, ভালোবাসা এবং সুপ্রভাত। রুহানী বাবার রুহানী বাচ্চাদের নমস্কার।

ধারণার জন্য মুখ্য সার :-

১) নিজেকে নিজেই রাজা তিলক দেবার জন্য স্মরণের পরিশ্রম করতে হবে। সমস্ত বিকারকে ত্যাগ করতে হবে।

২) ব্রহ্মা বাবার মতো সাধারণ এবং গুপ্ত থাকতে হবে। বাইরের চটকদারি বা লোক দেখানো কিছু করবে না। নিজেকে ভবিষ্যৎ রাজত্বের নেশাতেই বঁদু করে রাখতে হবে।

বরদান :- সাথী আর সাফী ভাবের স্মৃতির দ্বারা সমস্ত বন্ধন থেকে মুক্ত সৰ্ব শক্তিসম্পন্ন হও ।  
সৰ্বশক্তিতে সম্পন্ন হয়ে অধীনতার উৰ্ধ্ব থাকতে হলে দুটি শব্দ সৰ্বদা স্মরণে রেখো  
.....এক হল সাফী আর দ্বিতীয় হল সাথী । এর ফলে খুব তাড়াতাড়ি বন্ধনমুক্ত অবস্থা প্রাপ্ত হবে ।  
সৰ্বশক্তিমান বাবা যদি সাথ দেন তাহলে তত্ক্ষণাত্ সৰ্বশক্তির প্রাপ্তি হয় আর সাফী হয়ে চললে  
কোনো বন্ধনেই আটকা পড়বে না । নিমিত্ত মাত্র এই শরীরে থেকে কৰ্তব্য করলে আর সাফী হয়ে  
গেলে.....এর বিশেষ অভ্যাসকে বাড়াও ।

স্লোগান :- অশুদ্ধ এবং শুদ্ধ এই দুয়ের যুদ্ধ চললে ব্রাহ্মণ নয় ক্ষত্রিয়ই রয়েছে ।